
FFORWM PWYLLGORAU SAFONAU GOGLEDD CYMRU

Dydd Gwener, 10 Mehefin 2011, am 10.00 am
Canolfan Fusnes Conwy

YN BRESENNOL: Howie Roberts (Cadeirydd - Conwy)

Barry Davies	Swyddog Monitro – Sir y Fflint
Iwan Davies	Swyddog Monitro - Conwy
Gwilym Ellis Evans	Is-Gadeirydd - Gwynedd
Jenni Frost (yn lle Paul Sturges)	Aelod Annibynnol - Conwy
Simon Fysh	Cadeirydd – Awdurdod Tân ac Achub
Clive B. Halliday	Cadeirydd – Sir Ddinbych
Sion Huws	Swyddog Priodoldeb - Gwynedd
Lisa Jones	Dirprwy Swyddog Monitro – Sir Ddinbych
Meirion Jones (yn lle Lynn Ball)	Ynys Môn
Sue Morris	Is-Gadeirydd - Ynys Môn
Geraint F. Roberts	Is-Gadeirydd – Sir Ddinbych
Merfyn Roberts	Cadeirydd – Sir y Fflint

6. **PENODI CADEIRYDD AR GYFER Y CYFARFOD**

Cynigiwyd ac eiliwyd bod Mr Howie Roberts yn cael ei enwebu fel Cadeirydd ar gyfer y cyfarfod.

I hwyluso parhad, cytunwyd y dylid penodi Mr Howie Roberts yn Gadeirydd am gyfnod o 12 mis.

CYTUNWYD-

Penodi Mr Howie Roberts yn Gadeirydd Fforwm Pwyllgorau Safonau Gogledd Cymru ar gyfer 2011/2012.

7. **YMDDIHEURIADAU**

Derbyniwyd ymddiheuriadau gan Lynn Ball (Ynys Môn), Jeff Cotterell (Ynys Môn), Trevor Coxon (Wrecsam), Rob Dawson (Wrecsam), Robyn Jones (Ynys Môn), Jane Kennedy (Sir Ddinbych), Ceri Nash (Wrecsam), Dilys Ann Phillips (Gwynedd), John Pollard (Gwynedd), Kevin Sibbons (Sir y Fflint), Paul Sturges (Conwy) a Gary Williams (Wrecsam).

8. **COFNODION**

Cyflwynwyd cofnodion cyfarfod Fforwm Pwyllgorau Safonau Gogledd Cymru a gynhaliwyd ar 15 Ebrill 2011 i'w cymeradwyo.

O safbwynt y Polisi Chwythu'r Chwiban (Cofnod Rhif 4) dywedwyd bod hwn yn cael ei ddatblygu gan Wrecsam yn hytrach na Sir y Fflint.

Hefyd nodwyd mai Cerrigydrudion oedd yn gywir yn hytrach na Cerridigion yng Nghofnod Rhif 4.

CYTUNWYD-

Yn amodol ar y newidiadau uchod, bod cofnodion cyfarfod Fforwm Pwyllgorau Safonau Gogledd Cymru a gynhaliwyd ar 15 Ebrill 2011 yn cael ei gymeradwyo fel cofnod dilys.

9. **SEFYDLU GWEITHDAI**

Er bydd gweithdai'n cael eu cynnal yn y Gynhadledd Safonau – Cymru 2011, teimlai Aelodau y gellid cynnal gweithdai llai yn effeithiol ar sail Gogledd Cymru yn unig.

Awgrymwyd y gellid cynnal gweithdai'n canolbwyntio ar y gwahanol faterion yn gysylltiedig â'r Cod Ymddygiad ar ddechrau pob cyfarfod o'r Fforwm. Hefyd gallai achosion o dorri'r Cod Ymddygiad, fel y nodir yn adroddiadau'r Ombwdsmon Gwasanaethau Cyhoeddus, hefyd fod yn bwnc trafodaeth.

Awgrymwyd ymhellach y gellid ail-gynnal y gweithdai a gynhaliwyd yn y Gynhadledd Safonau ar lefel leol.

CYTUNWYD-

Cynnal y Gweithdai ar ddechrau pob cyfarfod o Fforwm Pwyllgorau Safonau Gogledd Cymru.

10. **SEFYDLU CYSONDEB O RAN DULL**

Mewn perthynas â rhannu gwybodaeth, cyflwynwyd y sylwadau a'r atebion canlynol:-

- Byddai Swyddog Monitro Sir y Fflint yn ymchwilio i'r posibilrwydd fod Pwyllgor Safonau Tân ac Achub Gogledd Cymru'n derbyn yr un wybodaeth â'r Swyddogion Monitro mewn perthynas â materion Safonau
- Bod pob Awdurdod Lleol yn cyhoeddi eu rhaglenni a'u cofnodion Pwyllgor Safonau ar eu gwefannau
- Er mwyn i'r cyhoedd fod yn ymwybodol o bresenoldeb Fforwm Pwyllgorau Safonau Gogledd Cymru, cytunwyd y byddai pob Awdurdod Lleol yn cyflwyno cofnodion y Fforwm i'w Pwyllgorau Safonau hwy er gwybodaeth
- Roedd gan Swyddogion Monitro berthynas weithio agos trwy Gymru ac roeddent yn cyfarfod trwy Rwydwaith y Swyddogion Monitro

CYTUNWYD-

(a) Bod Swyddog Monitro Sir y Fflint yn ymchwilio i'r posibilrwydd o ychwanegu Pwyllgor Safonau Tân ac Achub Gogledd Cymru at y rhestr dosbarthu ar gyfer gwybodaeth sy'n berthnasol i Bwyllgorau Safonau.

(b) Bod pob Awdurdod Lleol yn cyflwyno cofnodion Fforwm Pwyllgorau Safonau Gogledd Cymru i'w Pwyllgorau Safonau hwy.

11. **NODI MEYSYDD GWAITH AR GYFER Y PWYLLGORAU SAFONAU**

Nid oedd unrhyw sylwadau pellach i'w hychwanegu ar hyn o bryd.

12. **MATERION HYFFORDDIANT**

Mewn perthynas â materion hyfforddiant, oedd yn berthnasol i bob Awdurdod Lleol, cyflwynwyd y sylwadau canlynol:-

- Roedd Sir Dinbych wedi darparu hyfforddiant i'r Cynghorau Tref a Chymuned trwy Sioeau Teithiol Cod Ymddygiad. Darparwyd cyfanswm o 9 sesiwn mewn gwahanol leoliadau ar draws y Fwrdeistref Sirol, gyda 2 sesiwn ym mhob ardal yn cael eu cynnal yn y pŵn a gyda'r nos. Er bod hyfforddiant wedi ei ddarparu i fwy na 100 o Gynghorwyr Tref a Chymuned, roedd wedi cymryd cryn amser ac ymdrech i drefnu a darparu'r hyfforddiant
- Roedd Aelodau Pwyllgor Safonau yn Sir Ddinbych hefyd wedi mynychu cyfarfodydd Cynghorau Tref a Chymuned a rhoi adborth i'r Pwyllgor Safonau
- Roedd yn bwysig bod Aelodau'r Pwyllgor Safonau'n cael sesiynau hyfforddiant er mwyn diweddarau gwybodaeth yn gyson, a dylid cadw cofnod o unrhyw hyfforddiant a gynhelir. Gellid defnyddio'r cofnod hwn fel tystiolaeth pe bai unrhyw un yn herio eu harbenigedd a'u hyfforddiant
- Roedd Conwy'n darparu Gweithdai Gloywi ar gyfer Aelodau eu Pwyllgor Safonau ac roedd y rhain wedi eu cynnwys o fewn ei Rhaglen Gwaith i'r Dyfodol
- Roedd yn ymddangos bod Cyngor Dinas Caerdydd wedi addasu eu Cod Ymddygiad er mwyn ei wneud yn orfodol i bob Cynghorydd Sir fynychu'r Hyfforddiant ar God Ymddygiad
- Roedd Conwy wedi sicrhau bod pob un o'i Gynghorwyr wedi cael hyfforddiant. Cyflawnwyd hyn yn rhannol trwy hysbysu Arweinyddion Grŵp o bwysigrwydd hyfforddiant a thrwy enwi'r Cynghorwyr hynny oedd heb fynychu unrhyw sesiwn
- Roedd Hyfforddiant ar y Cod Ymddygiad yn rhan o'r broses gynefino ar gyfer Cynghorwyr newydd yn y rhan fwyaf o Gynghorau. Fodd bynnag, roedd sicrhau bod Cynghorwyr oedd wedi eu hethol ers nifer o flynyddoedd yn mynychu sesiynau hyfforddi yn broblem mewn rhai achosion
- Roedd Ynys Môn wedi derbyn arian gan CLILC i ddarparu sesiynau hyfforddi ac er bod Peter Keith Lucas wedi darparu hyfforddiant nid oedd pob Cynghorydd wedi bod yn bresennol.

CYTUNWYD-

Nodi'r wybodaeth.

13. **SEFYDLU ARFER GORAU**

Mewn perthynas â sefydlu arfer gorau, gwnaed y sylwadau canlynol:-

- Roedd Sir Ddinbych wedi paratoi llyfryn ar y Cod Ymddygiad, oedd yn cynnwys siart llif, a'r bwriad oedd bod Cynghorwyr yn dod ag ef i

bob cyfarfod. Awgrymwyd y gellid dosbarthu'r llyfryn hwn i aelodau'r Fforwm

- Roedd Sir Ddinbych yn dosbarthu'r llyfryn yn flynyddol ynghyd â Chofrestr Ffurflenni Datgan Cysylltiad

CYTUNWYD-

Bod llyfryn Cod Ymddygiad Sir Ddinbych yn cael ei ddsbarthu i holl Aelodau Fforwm Pwyllgorau Safonau Gogledd Cymru.

14. **GWEITHIO GYDA'R CYNGHORAU TREF A CHYMUNED**

Trafodwyd yr eitem hon fel rhan o Gofnod 12 - Materion Hyfforddiant.

15. **HYRWYDDO'R PWYLLGOR SAFONAU**

Mewn perthynas â hyrwyddo Pwyllgorau Safonau, gwnaed y sylwadau canlynol:-

- Roedd Conwy wedi cyhoeddi erthygl ar y Pwyllgor Safonau ym Mwletin Conwy, a ddsbarthwyd i bob aelwyd yn y Fwrdeistref Sirol
- Roedd Gwynedd wedi paratoi adroddiad ar y Pwyllgor Safonau, oedd yn cynnwys ffotograffau, ac fe'i dosbarthwyd i bob Cynghorydd Sir yn ogystal ag i'r Cynghorau Tref a Chymuned
- Er mwyn sicrhau bod yr Ombwdsmon yn ymwybodol o Fforwm Pwyllgorau Safonau Gogledd Cymru, cytunwyd i anfon copi o'r cofnodion at yr Ombwdsmon ynghyd â llythyr eglurhaol

CYTUNWYD-

Bod cofnodion Fforwm Pwyllgorau Safonau Gogledd Cymru'n cael eu hanfon at yr Ombwdsmon ynghyd â llythyr eglurhaol.

16. **YMATEBION A SYLWADAU YNGLYN Â PHOLISI CENEDLAETHOL**

Deallwyd bod newid sylweddol yn digwydd i Bwyllgorau Safonau yn Lloegr. Er na ragwelir newid mor sylweddol yng Nghymru, disgwylir y cynhelir ymgynghoriad ynglŷn â'r newidiadau maes o law. Gallai'r ddogfen ymgynghorol fod yn rhan o'r rhaglen ar gyfer cyfarfodydd y Fforwm yn y dyfodol.

CYTUNWYD-

Bod unrhyw Ymgynghoriadau perthnasol yn cael eu cynnwys yn rhaglenni Fforwm Pwyllgorau Safonau Gogledd Cymru yn y dyfodol.

17. **PROTOCOLAU AELOD/AELOD AC AELOD/SWYDDOG**

O safbwynt Protocolau Aelod/Aelodau ac Aelod/Swyddog gwnaed y sylwadau canlynol:-

- O ganlyniad i ddatblygiadau ym mhrotocolau Cyngor Sir Ynys Môn, datblygwyd protocolau ar Barch Aelodau ac ar Benodi Cadeiryddion Pwyllgor.

- Byddai Sir Ddinbych yn cyflwyno Protocol Hunan Reoleiddio, yn arbennig i ddelio â chwynion anffurfiol,
- Roedd Panel Dyfarnu yn gwrando ar achosion yn ymwneud â Chynghorwyr Cyngor Sir y Fflint ar hyn o bryd
- Gellid defnyddio penderfyniadau gan Baneli Dyfarnu fel deunydd ar gyfer Gweithdai 'Beth a Ddysgwyd' ar gyfer cyfarfod o'r Fforwm yn y dyfodol

CYTUNWYD-

Bod penderfyniadau gan y Paneli Dyfarnu'n cael eu defnyddio fel sail ar gyfer cyfarfodydd Gweithdai yn y dyfodol Fforwm Pwyllgorau Safonau Gogledd Cymru.

18. CYNHADLEDD SAFONAU BLYNYDDOL GOGLEDD CYMRU

O safbwynt trefnu Cynhadledd Safonau Gogledd Cymru, cytunwyd aros tan y byddai Fforwm Pwyllgorau Safonau Gogledd Cymru wedi ei sefydlu ers 12 mis.

Mewn perthynas â chynnal Cynhadledd Safonau Cymru yng Ngogledd Cymru, nodwyd bod y penderfyniadau ynglŷn â'r lleoliad wedi ei wneud gan y Rhwydwaith Swyddogion Monitro.

CYTUNWYD-

Gohirio trafod y posibilrwydd o Gynhadledd Safonau Gogledd Cymru Flynyddol am 12 mis.

19. DYDDIAD Y CYFARFOD NESAF

Bydd cyfarfod nesaf y Fforwm yn cael ei gynnal ar 22 Medi 2011 i drafod unrhyw faterion yn ymwneud â Chynhadledd Safonau Cymru 2011, a gynhelir ar 5 Hydref 2011.

Bydd cyfarfod pellach yn cael ei gynnal ym mis Tachwedd i drafod unrhyw faterion yn codi o'r Gynhadledd Safonau.

Os na fydd unrhyw faterion yn codi, awgrymwyd bod y cyfarfod ar 22 Medi 2011 yn cael ei ganslo.

Dywedwyd wrth y Fforwm fod Mr Barry Davies Swyddog Monitro Cyngor Sir y Fflint yn ymddeol ddiwedd Gorffennaf 2011 a dymunwyd y gorau iddo yn y dyfodol gan bawb oedd yn bresennol.

CYTUNWYD-

Bod cyfarfod nesaf Fforwm Pwyllgorau Safonau Gogledd Cymru'n cael ei gynnal ar 22 Medi 2011 am 10.00 am.

(Daeth y cyfarfod i ben am 11.30 am)
